

戶部卷之八

典章二十二

課程

茶課

鹽課

酒課

市舶

常課

契本

洞冶

竹課

河泊

雜課

匿課

免稅

二十七

三十七

罕七

篋十

篋十

杖十

杖十

商稅

但犯

私造酒麩

犯人

匿稅之物一半沒官於沒官物內一半付告人充賞  
同回通事并使官銀買賣  
等入門不引同匿稅法  
如富商大賈權豪勢要之家  
倚恃氣力欺凌場稅不行  
投稅依例斷沒若有和買  
一切物貨合賣主依例投

犯界十瓶以

酒雖多

延祐六年 都省定例減  
輕並依匿稅例一體科斷

私酒十兩

追鈔五

所獲酒數給去係勒出界  
毋致侵視課程

私鹽

買食干犯人

徒二年  
沒官正半

竈戶

帶錄居

役同前

人等

一兩降知  
而不首

正犯人

私賣

場官察初犯  
覺再犯

三犯除  
名不敘

官鹽

賣訖三日不於所在  
官司繳抹元引者

但犯者

私茶

買用

如貨賣之  
無人私

犯界

將引赴  
所在官

同隨將址  
犯入決

犯界

司繳納  
批扶如

令發賣違  
沒官替

替貨替

行繳納  
違限不

者○斷後  
內一半

替貨替

犯界侵視  
南九○

錢付告  
人充賞

爭去的分相迎著厮殺的  
每根底敲一次做伴當為  
徒厮關的斷沒家緣流遠  
又它每之下做伴當來的  
根底家緣斷沒錄著一年  
竈戶裏使用

止計見獲為罪

知情買賣者與犯人  
同罪  
所犯茶貨一半沒官一半  
付告人充賞應捕人亦同  
茶園磨戶犯者及運茶船  
車主知情夾帶裝載元引  
私茶一體科斷各處提點  
正官禁治不嚴致有私替  
生發取招斷罪官吏權豪  
勢要之家詭名攬買虧官  
損民依鹽  
法科斷

**恢辦課程條畫** 中統二年六月欽奉皇帝聖旨道與各路宣

撫司并達魯花赤管民官課稅所官不以是何投下軍民諸色人等隨路恢辦宣課已有先朝累降聖旨條畫禁斷私鹽酒醋麩貨匿稅若有違犯嚴行斷罪今因舊制再立明條庶使吾民各知所避欽此

一 諸犯私鹽者科徒決杖七十財產沒官決訖發下鹽司帶鐐居役滿日疎放若有告捕得獲於沒官物內一半充賞如獲犯界鹽貨減犯私鹽罪一等仍委自州府長官提調禁治私鹽罪如禁治不嚴致有私鹽並犯界鹽貨生發初犯笞四十再犯杖八十三犯已上開具呈省奏聞定罪若獲犯人依上給賞如有鹽司監臨官與寵戶私賣鹽者同私鹽法科斷

一 今後諸鹽場遇有買納及支客鹽無致留難不受不

給或勘合號簿批引鈔違限者並徒二年若不依次  
第先給後受及秤盤不平者徒二年如客商買到官  
鹽並官司綱運舡車經由河道其關津渡口橋梁妄  
稱事故邀阻者陳告得實杖一百因而乞取財物者  
徒二年官司故縱者與同罪失覺察者的決笞五十  
如有遮當客旅拘買取利者徒二年鹽付本主買價  
沒官仍禁治隨處官民無得將舊來運鹽河道開決  
河水澆溉稻田以致水淺澁滯鹽舡有悞悞辦課程  
依上治罪

一不以是何投下雖有拘撮舡隻文字如無許令拘撮  
客旅運鹽綱舡諸人不得應付

一隨處河道若有舊來釘立樁檝仰當該泐河官司委  
官將帶深知河道水手夫役人等檢踏得見盡行拔

出若已後不行拔出樁橛因而損壞舡隻據鹽本一切損失之物當處官司賠償將管民正官約量的決一經過客旅買賣回回通事諸色人等不得將鹽司巡鹽弓手騎坐馬匹販鹽車舡頭匹奪要走遞因而停滯客旅虧兌鹽課如有違犯之人聽於所在官司陳告開具姓名申省聞奏

一煎鹽燒鹽草每年常有野火燒延靠損草地及有破伐柴薪之人以致失悞用度仰鄰接管民正官專一關防禁治但犯決杖八十因致用者奏取勅裁

一諸犯私酒麪貨者取問得實科徒二年決七十財產一半沒官於沒官物內一半付告人充賞

一諸犯匿稅者所犯物貨一半沒官於沒官物內一半付告人充賞但犯答五十入門不弔引者同匿稅法

科斷

一隨州府司縣應立酒務辦課去處無得將別行醞造到祇應使客酤酒沽賣仍委自酒務官關防體究如是因而沽賣便同私酒法科所施行

一諸局院人匠鷹房打捕并軍人奧魯諸色人等犯私賣酒醋鹽麩貨匿稅過所在捕捉却行聚衆打奪今後達魯花赤管民官管軍官并各管頭目與犯人同罪打奪因而致死傷者各從重施行

一達民戶鹽場裏要鹽時分各自斟酌喫多少呵要者分外多要隨處住各田地裏夾帶私鹽貨賣呵依已前體例裏當按打奚罪過者仍仰把隘人員嚴切巡察若因夾帶私鹽貨賣把隘官與犯人同罪

一如有處分不盡事理仰各路宣撫司比附舊例從長

施行

**江南諸色課程**至元十三年十月行中書省會驗欽奉聖旨  
條畫節該茶鹽酒醋商稅金銀鐵冶行貨河泊大小課程  
從實恢辦等事欽此已經行下各道宣慰司欽奉聖旨設  
立院務恢辦課程去後爲各處不曾申到及不用心恢辦  
令本路達魯花赤總管不妨本職專一提點照依坐去事  
理常切用心窮究推辦根挨本處殘宋辦課次第炊盪石  
斗文厯照勘舊額數目比之今日見辦課程到官數目須  
要逐月增羨依期比附羨餘申報仍光取委官對行文狀  
呈省施行

一酒醋課程須酌量居民多寡然後釐勒各官置赤厯  
開寫每月炊盪漿米石斗可用麩貨勛重造到清酒  
味醇薄發賣價值除工本外每月實辦息錢鈔每石

可留息若干當日晚具單狀於已委定提調官處呈照十日一次呈押赤厯每月一次打斟辦到課程不過次月初五日呈省據辦到課程數目每月解赴宣慰司每季差官起運赴省交納施行

一商稅各處若不關防中間作弊百般欺隱課程今擬除府城門外弔引入城赴務投稅附厯收課外據在先雜稅於稅務門內置局亦弔引稅今發下千字文號貼仰令當該攢典人於上將稅物貨先行從實抄寫數目亦依號附厯給發標寫某物該稅鈔若干令稅物人賣把號貼赴務投稅仰稅官將弔到號貼當面收受合該稅錢附厯監收准備日晚依號照勘取計施行毋得再令攔頭人等虛擡高價口喝稅錢刁蹬百姓仍仰已委官常切用心提調每日具報草狀



十日一次呈押赤厯每月不過次月初五日呈省亦與酒課一就解省

一各處在城管下縣鎮各立院務去處除宣慰司總管府照依已行差設務官管辦外省府合擬差提領都監前去仰本司行下各路已委官提調用心拘鈐權辦到課程每月一次就便驗本處戶計多寡比較若有增羨遷官給賞如有恢辦不前或不為用心勾當以致課程虧少去處仰已委官將省府并宣慰司總管府差去務官就便招約量決罰所犯侵欺盜詐者斷罪罷役仍每月具權辦到課程比較增羨虧兌去處依月申限次許令中省亦申宣慰司類攢申報施行

一各道申到月辦課程省府亦驗處戶計多寡再行

比較得本處戶計數多辦到課程數少務官人等稅物刁蹬百姓及酒味淡薄雖不侵欺亦仰禁治已委提調官亦取有失鈐束如恢辦向前課程額羨年終考較定有功者聞奏有過者黜降

一體知得隨處多有勢要之家設立酒庫恃勢少認辦到課額恣意多造酷酒發賣辦到息錢除認納定官錢外餘上盡行入己實是侵視官課仰截日盡行罷去止委總管府選差人員造酒依例從實辦課據罷訖酒庫應有見在米麩漿米酒醋浸清酒并一切什物官爲物收作本合該價錢官吏保結申省定奪支撥施行

一各處應據辦到諸色課程仰各道宣慰司并各路總管府非奉省府明文不得動支亦不得移易借貸借

俸鈔等如有動支去處定勒判署官吏賠償治罪

一照得欽奉聖旨條畫節該私犯鹽酒麪貨者科徒二年決杖七十財產一半沒官決訖發下鹽司帶錄居役滿日疎放若有告捕得獲於沒官內一半充賞欽此已經行下各處禁治外仰提調官常切用心禁約體察如有違犯告捕到官欽奉聖旨事理就便取招斷施行

一照得欽奉聖旨條畫節該匿稅者其匿稅之物一半沒官物內一半付元告人充賞外犯人仍答五十入門不弔引者同匿稅法科斷欽此已經行下各處依上施行外提調官常切用心巡緝無致匿稅如違犯者欽奉聖旨事理就便科斷施行

一金銀鐵冶竹貨湖泊大小課程除兩淮湖泊課程權

且倚免外其餘課程仰已委提點官欽奉聖旨事意  
用心恢辦仍每月具辦到數目申省

**運司合行事理**至元十三年正月申書戶部承奉中書省劄  
付據東平等路轉運使蔡德潤等連名呈該乞依先立轉  
運司給降條畫及隸中書省等事都省區處定下項事理  
就便行移合屬依上施行

一本司乞依先立運司給降條畫事理前件議得仰本  
司欽依給降聖旨照依累降聖旨條畫施行

一都轉運使司合無直隸中書省事前件議得如有不  
係本司所管衙門沮壞攪擾辦課令本司申部直呈  
省外其餘辦課等事理並申部

一呈要各路增添戶計事前件議得省會於戶部照勘  
者

一行舖之家取下鐵貨并農器等生活合無收買事前  
件議得仰轉運使司令各處舖戶之家將現在鐵器  
生活須管立限發賣了畀限外依市價都轉運司收  
買

一都轉運使司置立去處廨除舊有外無者從本司  
踏逐官房令本路差撥人匠修完并合用儀從公物  
一體應副事前件議得若本司到置司去處照依前  
運司聚會去處置司儀從公物應副交割

一都轉運使司按察司一體迎接聖旨宣詔事理前件  
議得准呈

一都轉運使司令使奏差譯史典吏收銀庫官知印祇  
候人曳刺等從本司踏逐前件議得本司擬設書吏  
并奏差通事譯史人等依上許令本司踏逐不作過

犯相應人等充收銀庫官各院務辦課人等除省部  
依例差設外本司止設相副一員依上選差 應不  
作過犯之人

一各運司合關鋪馬劄子差使牌面乞斟酌定奪事前  
件議得各處運使所轄去處寬闊若不給付難以責  
備除濟南等路河間等路都轉運使司已有元給牌  
面不須止給馬一劄子二道外據其餘都轉運司各  
給差使銀牌二面馬五匹劄子內二疋一道一疋三  
道依上出給施行

一隨路管民官任滿乞令於本司取給解由申部有無  
增虧私鹽等生發文解一前件議得除增虧外餘准  
所呈

一各運司官依驗課額以十分為率若增一分遷官一

等三分者遷官二等五分以上別加遷賞前件議得候年終考較見數至日依條定擬

一各運司合用紙扎印信乞定奪事前件議得照依前運司體例施行

一本司官吏合得公田俸給乞定奪事前件議得公因申部照例定奪外俸給另行定奪

一本司管領數處必須劄委司官行司并差委催課幹事人員亦合依按察司一體馳驛支給分例前件議得若本司官騎坐鋪馬依例應副餘者別定奪

一各司運判改從五品依按察司例給降宣命金牌事  
一前件議得別無定奪

一都堂議得各路人匠內除軍器監成造軍器少府監金玉人匠總管府監收護國仁王寺總管府異樣總

管府等管人匠依舊充管官司管領催辦其餘常課  
造作人匠仰都轉運使司催辦管領詞訟其餘一切  
橫造令總管府管領

**辦課合行事理**至元二十年六月福建行省准中書省咨三  
月十二日奏去年馬兒年課程大都夏裏到來時分交蒙  
古人監辦委付來那額外六七千定增餘出來其餘路分  
比上來者雖有增餘出來呵不曾多增出來在先合阿馬  
根底并他總領孩兒每底根底又其餘官人每根底與莊  
皮有來每一個院務裏六七八個人行來那底每都有分  
兒來這賊每的在先喫了的如今依體例合納者如今俺  
商量得隨路官員交差兩人提調課程體例交那每成就  
俺也教好行踏課程錢定額者商量來底呵奉聖旨事意  
的勾當識者欽此今據中興州真定大原等處人入狀陳



獻至元二十年課程比之上年正額增餘之外有及數倍者顯見隨路俱有似此增羨都省逐一區處于后咨請照驗依上施行

一今歲各路合辦課額今差官同各路提點官一同照依至元十九年諸色課程辦到正額增餘數目并在前年分除正額外一切侵欺糜費額多收少納隱沒錢參議明白從新定立至元二十年合辦額數須要增餘盡實結附到官

一於本路見職官內公選廉幹官二員充提點官一同依上定立今歲課額責使常切用心提調不限日數點差好人赴務輪番催辦

一各路點差催辦人員如有推出增餘與眾特異者許差去官體探得實保明呈省擬於本等之上量加陞